



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დალაქიშვილი თამაზ არქიფოს ძე

დალაქიშვილი თამაზ არქიფოს ძე (დ. 22. IX. 1937, თბილისი), არქიტექტორი. საქართვე. დამს. არქიტექტორი (2005).

დაამთავრა თბილ. სახელმწ. სამხატვრო აკადემია (1961). მუშაობდა „საქქალაქმშენსახპროექტში“ (1961-64), თბილ. ზონალურ საპროექტო-ექსპერ. ინ-ტში (1964-65; 1969-81), „თბილქალაქპროექტში“ (1982-90).

1991-97 იყო საქართვე. არქიტექტორთა კავშირის შემოქმედებით-საწარმოო გაერთიანება „არქეონდის“ მთავარი მხატვარ-დიზაინერი. ძირითადი ნამუშევრები: დასახლება დებელე გვინეის რესპუბლიკაში (გ. ბერიძესთან, დ. გრძელიძესა და კ. ხატიაშვილთან ერთად; 1971-74), ენგურპესის მშენებელთა საცხოვრ. სახლი თბილისში, ჭავჭავაძის პროსპექტზე (გ. ბიჭიაშვილთან, ზ. კოპალაძესა და თ. დარჩიევთან ერთად; 70-იანი წწ.), ჰიდრომშენებელთა დასახლება ვიეტნამში მდ. დაზე (ა. ლოლობერიძესთან, ა. ჯაფარიძესა და ა. ქურდიანთან ერთად; 1976-81); ბავშვთა საგანმ.-კულტ. ცენტრი ნასოფლარ ავენისში (ყაზბეგის მუნიციპალიტეტი; ბ. გოცირიძესთან, ი. ვაჩიშვილთან, დ. თოფურიძესა და ა. ჯაფარიძესთან ერთად, 1987; საქართვე. არქიტექტურის I საერთაშ. ბიენალე, გრან-პრი, 1988); საქართვე.-ბულგ. საზ.-კულტ. ცენტრი ქ. სოფიაში (თანაავტორი ა. ჯაფარიძე, 1988); არტ-ბიზნესცენტრი თბილისში, კ. აფხაზის ქუჩაზე (თანაავტორი ა. ბახტაძე, 1997).

ს. კინწურაშვილი
